

ՆԵՐՔԻՆ ՏԵՍՈՒԹԻՒՆ

ԱՄՍԻԱՅ ՔՐՈՆԻԿ

Անդրկովկասեան երկաթուղու գործունէութիւնը:—Թիֆլիսի դումայի կուսակցութիւնները:—Հայկական Թատրոն:—Սովոր Խուսափանում:—Փոփոխութիւններ Լ.Պ. Սիտենի Սինդիկատ:—Երգումը Հայ լուսաւորչականների համար:

«Մուրճ»-ի ընթերցողներից նաքա, որոնք հետևում են այս տնտեսական սորա գոյութեան սկզբնական տարուց, թերևս չիշում են թէ որքան ջերմ խօսքերով եւ ողջունեցի ալն ակտը, որով Անդրկովկասեան երկաթուղին՝ մասնաւոր կապիտալիստների ընկերութեան ձեռքից անցաւ տէրութեան ձեռքը, որով նա մասնաւորից դառաւ տէրունական, պիտական եւ կամ ինչպէս ռուսները սիրում են ասել՝ դանձարանական (казённый): Այդ մասին եւս չգում եւմ ընթերցողներին «Մուրճ» 1889 թ. № 9, ուր ընդհանուր դժերով պատմած է երկաթուղիները պետական դարձնելու դադախարի դարգացումը Արեւմտեան Եւրոպայում եւ Ռուսաստանում, որի արտապայտութիւններից մէկն էր նաեւ մեր երկրի երկաթուղու անցնելը տէրութեան ձեռքը 1889 թ. օգոստոսի 1-ին:

Ի միջի ալ պատճառների, որոնց համար հասարակական տնտեսկէտից աւելի լաւ է որ երկաթուղիները մասնաւորների ընկերութեան ձեռքում չը լինեն, պէտք է չիշել եւ ալն, որ լաւ տէրութեան ուշադրութիւնը կրքէք չի կարող ալնքան կլանւած լինել երկաթուղուց ստանալիք զուտ օգուտների դիտումներով, որքան մասնաւոր ընկերութիւնները, որոնք միմիալն չահադիտական տնտեսկէտից կարող են նալել իրանց ձեռնարկութիւնների վերալ: Բալց երկաթուղին, որպէս հաղորդակցութեան միջոց, ալն աստիճանի հասարակաց չահ է ներկայացնում, ալն աստիճանի նա շոշափում է երկրի տնտեսական բարօրութիւնը, նա ալնքան ընդհանուր նշանակութիւն ունի, որ մեծապէս ցանկալի է նաեւ որ նա լինի ալնալիս օրգանների ձեռքում, որոնք ալնալն ասած՝ առի պաշտօնէ պարտաւորւած են իրանց ձեռքում եղած գործերի վերալ ընդհանուր շահերի եւ ոչ միալն զուտ արդիւնքների տնտեսկէտից նալել: Աղալիս օրգաններից մկը եւ գլխաւորն է:

տէրութիւնը, որպէս հասարակաց դործերի օրդան, եւ սղջ տեսակ գործերում, տնտեսական-հասարակական խնդիրներում, մամուլի ձայնը շատ աւելի հեշտ հասնում են տէրութեան քան մասնաւոր ընկերութիւնների ականջին, որոնք իրանց էգօրատական շահիրից դէն դժւար թէ ուրիշ բանի ականջ դնելու արտադրութիւնն ունենան:

Այսպէս կամ ալեպէս, բալց ահա մեր առաջը դրած «Հաշիւ Անդրկովկասեան երկաթուղու շահագործութեան 1890 թւականին» (Отчетъ по эксплоатациѣ Закавказской желѣзной дороги за 1890 г.). Պարզ է թէ Անդրկովկասեան երկաթուղին ինչ մեծ Փակտոր է մեր երկրի գործարանական եւ զիւղատնտեսական գործունէութեան համար, քանի որ նա զրեթէ միակ կենդանի երակն է հանդիսանում երկրի բերքերի փոխանակութեան համար թէ տեղական, թէ ուսական եւ թէ արտասահմանեան շուկաներում: Այդ իսկ պատճառով Անդրկովկասեան երկաթուղու գործունէութիւնից կարելի է մինչ մի չափոնի աստիճան զատիլ երկրի արդիւնաբերութեան չափոնի եւ նորա ցուելու, բաշխման կամ բաժանման մասին. իսկ մեր արդիւնաբերական կանոնաւոր ստատիստիքալի պակասութեան պատճառով երկաթուղալին հաշիւները աւելի եւս մեծ նշանակութիւն են ստանում: Դժուարագար նորերս հրատարակած եւ վերը փշւած հաշիւը ալդ ամենի մասին լիակատար եւ որ զլիսուորն է՝ ամբողջ տեղեկութիւններ չի տալիս: Դա մի ահագին հատոր է 218 թերթից բաղկացած, որը ներկայացնում է մեծ կոչտ հում, անմշակ տեղեկութիւնների ապրանքներ՝ առաքման մասին, առանց ցոյց տալու նոյա սահմանները, թէ որտեղից են նոքա բարձած, եւ ուր են վեր բերւած: Ալեպէս որ զուր կը լինէր այստեղ որոնել տեղեկութիւններ իւրաքանչիւր նահանգի համար առանձին: Ընդէ է որ հաշիւ մէջ կտլ ցոյցակ «ուչատտից ուչաստով» ուղարկւած եւ վալր բերւած ապրանքների, բալց ալդ ուչաստիկները շատ են մեծ, որպէս զի կարելի լինի ամեն կէտի համար առանձին թւեր դուրս բերել: Աղգալիս ուչաստիկներից է Թիֆլիս-Բաքու, նոյանից է Կելրիլ-Բաթում. որպէս տեսնում էք՝ շատ մեծ տարածութիւններ, մանաւանդ որ մեր երկրում աղգալիս տարածութիւնների վերալ շատ զանաղան արդիւնաբերութիւններ կան:

Բալց հաշիւը մեղ զոնէ ընդհանուր թւեր է տալիս, որոնք շատ ուսանելի են: Աս կ'աշխատեմ այստեղ դուրս բերել ալն թւերը, որոնք աւելի ընդհանուր նշանակութիւն ունին:

1890 թւականին Անդրկովկասեան երկաթուղին տարել է ամեն տեսակ բեռներ, ընդամենը. 118,617,417 տղւղ ¹⁾

¹⁾ Մեր արտասահմանեան ընթերցողների համար լիւրիս հարկաւոր լինի ասել, որ մի տղւղը=10 ֆունտ կամ 40 զըւանքայ=16²/₅ կելոգրամ:

Այդ թիւը կազմող բեռներն են՝

Ջինւորական բեռներ	519,503	»
Երկաթուղու վարչութեան բեռներ	22,516,548	»
Կենդանիներ	79,154	»
Հատուկ առարկաներ	7,400	»
Մասնաւորների բեռներ	95,494,812	»

Դոցանից դուրս է գալիս, որ մասնաւորների բեռները կազմում են ընդհանուրի 80⁰/₆։ Եւ պէպք է ասած, որ հէնց այդ բեռների քանակութիւնը տարէցաւորի աճել է, և այն՝ ղդալի չափսերով, քանի որ 1887 թ. նոյն բեռների քանակութիւնն էր միայն 60 միլիոն, 1888-ին՝ 70 միլիոն, 1889-ին՝ 88 միլիոն, իսկ 1890-ին մօտ 95¹/₂ միլիոն պուղ։

Այժմ տեսնենք թէ ինչ տեսակ բեռներ են եղել և ամեն տեսակից որքան։

Առաջին տեղը բռնել են կ եր ո ս ի ն ը (45,306,027 պ.) և առհասարակ նաւթալիւն արդիւնքները, ալն է ընդամենն . . 52,762,488 պուղ

Երկրորդ տեղը բռնել է մարդանեց սև քարը . . 12,093,659 »

Երրորդ տեղը՝ երկրագործական բերքերը . . . 9,165,172 պուղ, որի մէջ հացահատիկներ եղել են 5,147,085 պ., սորա մէջ եգիպտացորենը (կուկուրուզ, սիմինդրի) 2,486,354 պ., ցորեն 1,061,102 պ., դարի 936,796 պ., հաճար (рожь) 625,679 պ., ալլ սերմեր՝ 37,153 պ., բրինձ 1,022,098 պ. (որից երևի ⁴/₅ Պարսկաստանից և Անդրկասպեան երկրից), ալիւր 1,469,432 պ., մրգեր՝ 631,788 պ.

Չորրորդ տեղը բռնում են քարերը 2,180,560 »

Հինգերորդը՝ չաքարը 1,655,659 »

Վեցերորդը՝ վառելափաւոր 1,624,708 »

Եօթներորդը՝ երկաթը 1,218,245 »

Ութերորդը՝ շինութիւնների փայտեայ նիւթերը . . 1,046,285 »

Իններորդը՝ հողը 1,042,501 »

10-րդ՝ բամբակը, (որից երևի կէսը Անդրկ. երկր.) . 935,902 »

որի մէջ նաև Անդրկասպեան երկրից եկած անցկացածը

11-երորդ՝ աղը 874,568 »

12-երորդ՝ մատուռակ (СОЛОДОВЫЙ КОРЕНЬ, բիւն) . 872,561 »

13-երորդ՝ քարէածուխ (Տկիբուլի և Ռուսաստանի) . 696,174 »

14-երորդ՝ գինի 689,815 »

15-երորդ՝ խոտ 482,367 »

16-երորդ՝ բուրդ 381,429 »

Եւ ալս թւերը առաջ բերեցի նախ հէնց իրանց հետաքրքրութեան պատճառով, ճոցա մանրամասն ուսումնասիրութիւնը սակալն ինձ չէ պատկանում։ Բալց ես պատեղ կը շոշափեմ միայն մի քանի կէտեր, որոնց հա-

սարակաց նշանակութիւնը անկասկածելի է. համեմատութիւնները համար օգտակար չունենի իր ժամանակի մասին տպւած լուրերից ուրիշ թերթերում:

Բանը սա է որ Անդրկովկասեան երկաթուղին Ռուսաստանում գոյութիւն ունեցող բոլոր 54 թէ տէրուական և թէ մասնաւոր երկաթուղիների շարքում կարելի է ամենաարդիւնատուներից մէկը համարել: Այդ երկաթուղին աղքատներից և անարդիւնաւէտներից չէ ոչ իւր շարժական կազմի և ոչ նորա շահագործութեան ֆինանսական հետևանքների կողմից: Շոգեկառքերի և վագոնների թւով (որ և կազմում են շարժական կազմը) Անդրկովկասեան երկաթուղուց միայն երկուսն են աւելի հարուստ ամբողջ Ռուսաստանում՝ Նիկողայուսեանը (Պետերբուրգ-Մոսկւա) և հարաւարեմտեանը (Մոսկւա-Խարկով-Օդեսա): Անդրկովկասեանը 1890 ին ունէր 312 շոգեկառք (լոկոմատիւ) և 8,872 վագոն. ճիշդ է, որ այդ վագոններից կէսի չափ պատկանում էր մասնաւոր անձերին, բայց շատ շուտով այդ մասնաւորների վագոնները անցնելու են տէրուական զանձարանը: Միմիայն ճամբորդական վագոնների թիւը միւս երկաթուղիներից շատ պակաս էր՝ 246 հատ, որոնցից միայն 200-ի չափ վագոն պիտանի են եղել բանելու համար:

Նույնպէս ֆինանսական հետևանքների կողմից Անդրկովկասեան երկաթուղին առաջիններից մէկն է, քանի որ միմիայն Նիկողայուսեան և հարաւարեմտեան երկաթուղիները ստանում են նորանից աւելի ընդհանուր եկամուտ, իսկ զուտ եկամուտի կողմից 12 երկաթուղիներ միայն նորանից գերազանց են:

1890 թւականին Անդրկովկասեան երկաթուղու շահագործութիւնից ստացւել է ընդհանուր եկամուտ 14,885,643 ռուբլի, որից զուտ արդիւնք կամ զուտ օգուտ մնացել է 8,307,316 ռ., քանի որ ծախք եղել է միայն 6,578,329 ռուբլի և դեռ այդ ծախքերի մէջ մտնում են հաշիւները նախկին ընկերութեան հետ, վարձատրութիւններ նախկին ընկերութեան վարչութեան անդամներին և այլն: Նախկին ընկերութեան ժամանակ ծախքերը աւելի մեծ էին, ակնպէս որ տէրութեան ձեռքն անցնելու առաջին հետևանքներից զլխաւորն եղաւ՝ ծախքերի նւազումը՝ համեմատած ընդհանուր արդիւնքի հետ: Բայց հէնց այստեղ և եթ պէտք է ասել, որ այն 8 միլիոն ու երեք հարիւր հազար ռուբլուց տէրութեան զանձարանը վճարում է երկաթուղու արժողութեան գումարի տոկոսները և պարտքաշէջը: Արդ առ 1-ն լուսնարի 1890 թ. երկաթուղու արժողութիւնն էր թուողթ փողով 160,359,000 ռուբլի, որի տոկոսները և պարտքաշէջը տարեկան կազմում են 5,757,339 ռ. 50 կոպէկ, ակնպէս որ այն 8 միլիոն ու 300 հազար ռուբլուց մնում է ազատ 2,549,976 ռ. 57 կոպէկ:

Այդ արդէն մեծ բան է, երբ ամեն տեսակ ծախքեր և արժողութեան տոկոսը և պարտքաշէջի վճարները դուրս գալուց չեն, տարաւ վերջը դեռ տակը մնում է $2\frac{1}{3}$ միլիոն ռուբլի միանդամալն ազատ գումար:

ինչ կարելի է անել աղղպիսի նպաստաւոր հանգամանքների մէջ, Ահա խնդիրը, Դրան պատասխանելու համար պէտք է աչքներս դարձնենք ևրկաթուղու տարիֆի վերալ, Ահա պատեղ ահա կը գտնենք, որ փոփոխելու շատ բան կալ, Անդրկովկասեան երկաթուղու տարիֆով տրանսպորտի գները զարմանալի թանկ են թէ ճամբորդները և թէ բեռները համար և ահա՝ բոլոր ապրանքները նկատմամբ, Ուրքան կը զարմանան ընթերցողները շատերը, եթէ իմանան որ մի պուղ կերոսինը Բաքուից Բաթում տանելու համար՝ վճարուում է ոչ պակաս քան 19 կոպէկ, Իս նմանաւանդ մեծ ծախք է, որ ամերիկացիք իրանց կերոսինը հասցնում են Նաւահանգիստները Նաւթանցքով, որ զարմանալի աժան է նստում, աղղպիսով ամերիկական կերոսինը դուրս է դալիս Ամերիկայի մի Նաւահանգստից գրկթէ ահա գնով, ինչ նա նստել է իւր աղղպիսների տեղերում, մինչդեռ մեր կերոսինը դուրս է գալիս Նաւահանգստից՝ արդէն ծանրաբեռնւած 19 կոպէկի հաւաքին ճանապարհածախքով:

Բայց անցնենք տարիֆի միւս լուրջներին, Ի հարկէ աղղպիսի խընդիրներում միայն համեմատելով կարելի է վճիռ տալ, և մեր տարիֆը պէտք է համեմատուի ուրիշ տարիֆների հետ, Իբրև չենակէտ վերցնենք Խարկով Նիկոլալոսեան երկաթուղու գները. աղղպիսից ցորենի մի պուղից վերցնում են $\frac{1}{32}$, դարուց $\frac{1}{32}$ կոպէկ մի վերստ տեղափոխելու համար, որ ասել է թէ մի կոպէկ արւում է մի վերստին 29 և 32 պուղ տեղափոխելու համար, մինչդեռ մեր տարիֆով մի վերստին մի կոպէկ վճարում է 25 պուղ ցորենի և 20 պուղ եգիպտացորենի (կուկուրու) համար, Ալիւրի ահաիդ 26 պուղն է տեղափոխւում 1 կոպէկով մի վերստ, իսկ միզանում 20 պուղը, Թարմ միրգը ահաիդ 28 պուղն է տեղափոխւում մի կոպէկով մի վերստ, իսկ մեր երկաթուղով՝ 16 պուղը, Ջանադանութիւնը, սրպէս տեսնում էք, շատ մեծ է:

Սրինակները բաղմապատկել աւելորդ է. աղղքանովն էլ պարզ է որ տրանսպորտը մեր երկաթուղիով շատ թանկ է նստում, Բայց մի վերջին օրինակ էլ, եթէ կամենաք և աւելի շոյափելի օրինակ, և ալս ահա՛մ ճամբորդութեան տարիֆից, Թիֆլիսից մինչև Բաքու 500 վերստ է, կամ մի տասնեակ աւելի, Արդ, — շոսէ ճանապարհներին մեղանում մի ձիու և մի վերստի համար վերցնում են 3 կոպէկ, ուրեմն 500 վերստի համար՝ 15 ռուբլի, Ահ երեք հոգի ճանապարհորդելիս՝ վճարում են երեք ձիու համար, որ մի հոգու վերաջ նոջն է գալիս: Արդ, Թիֆլիսից Բաքու գնալը երրորդ կարգով արժէ 11 ռ. 11 կոպ., իսկ երկրորդով կրկնապատկ աւելի՝ 22 ռուբլի առաջնով խօմ՝ էլ աւելի թանկ: Ճամարիտ է որ կառքով ճամբորդելիս պահանջւում են նաև ալ ծախքեր՝ շոսէի փող, մաղուտի փող, կառապաններին նաչալ, բայց դորանով 15 ռ. դառնում է 20 ռուբլի և ոչ աւելի, ուրեմն մօտ ահա՛քան, որքան երկաթուղու երկրորդ կարգի համար են պահանջում, Բայց էլի փաստը միւսում է փաստ, որ նոյն իսկ

երրորդ կարգի համար ախտեղի երկաթուղին պահանջում է ամեն մի վերստին զրեթէ նուրբան, որքան պահանջում են շուէի տրակտները վերադ մի վերստի և մի ձիւս համար, Գոնէ զանազանութիւնը ալի է՝ 11, 15, որ ասել է երեք քառորդը—Եւ ոչ միայն շատ թանկ տարիք է նշանակած ճամբորդները—պասաժիրները համար, ալ նոն իսկ շատ քիչ ճամբորդական վագոններ ունի երկաթուղին։ Եւ իրօք, ինչ է նշանակում որ 980 վերստ երկար գծի համար մեր երկաթուղին ունի, որպէս վերն էլ ասացի, ընդամենը 246 վագոն, որոնցից դեռ 17%, ուրեմն մինչ 40 վագոն 1890 հաշւի մէջ անպէտք են ցուց տրւած։ Այժմ հասկանալի է ալն զարհուրելի իրարանցումը, որին միշտ կարելի է ականատես լինել երրորդ կարգի վագոններում՝ ուր մարդիկ չը գիտեն ինչպէս անդաւորեն։ Աւելացրէք ալդ ամենին եւ ալն, որ մեղանում մշակ—քանոր դասակարգի մարդիկ դեռ ես սովոր չեն մաքրասէր հասարակութեան ընկերութեան։ Մի խօսքով չափաւոր միջոցներով մարդիկ իրաւացի կերպով ամեն տեսակ տըրտունջներ կարող են չալտնել Անդրկովկասեան երկաթուղու վարչութեան՝ թէ չափազանց գնիրի և թէ նեղածքութեան նկատմամբ։ Թէ ինչ գներ են դռքա օրավարձ բանւորների համար—ասելն անգամ աւելորդ է։ Դռքա օրասափելի թանկ գներ են։ Խոսաստանի ոչ մի երկաթուղիի ճամբորդական տարիքը ալնքան թանկ չէ, ինչպէս մեղանում։ և աւելին կ'ստեմ՝ ուսաց մ'լա երկաթուղիների տարիքը, առանց պետական հարկի (ГОСУДАРСТВЕННЫМ ДОРОЖЬ) 50 տոկոսով, որ ասել է թէ կիսով չափ աւելի ցածր է մեր երկաթուղու տարիքից։ Զարմանալի չէ ուրեմն որ ճամբորդական շարժումը միւղանում շատ ստոր է, քան Ռուսաստանի գծերից 27-ի վերալ, չը նալած որ, ինչպէս տեսանք, մեր երկաթուղին առաջիններիցն է ուրիշ շատ կողմերից։ Զարմանալի չէ ուրեմն, երբ 1890 թ. հաշւի մէջ կարգում ենք, որ ալդ տարում ճամբորդների ընդհանուր թիւը կամ աւելի լաւ է ասել՝ ծախւած սոմսակների թիւը եղել է ընդամենը 1,133,486 հատ։ Բայց հասկանալու համար թէ որքան ողորմելի թիւ է ներկայացնում ալդ, պէտք է իմանալ որ ահադին մեծամասնութիւնը ճամբորդների միայն կարճ ճանապարհ զնալու համար են տոմսակ վերցրել, ալնպէս որ միջին թիւը 1890 թւականին արւած ճամբորդութիւնների Անդրկովկասեան երկաթուղու վերալ կալմում է միայն 79 վերստ։ Իսկ քանի որ ամբողջ գիւղ փութի ձիւղով ունի 980 վերստ, նշանակում է թէ սաստիսալքական հաշւով 901 վերստ ոչ մի ճանապարհորդին չի ծառայել։ Ողորմելի չէ ալդ դրութիւնը, և ինչիցն ալդ,—ճամբորդական տարիքի չափազանց թանկ լինելուց։ Որ երկաթուղու կառավարութիւնը ինքն եւ վեասում է ալդ հանգամանքից, ալդ պարզ երևում է նրանից, որ բոլոր ալն միլիոնաւոր ճանապարհորդներից տարեկան ստացած լիողն է ամեն մէկից միջին հաշւով միայն 1 ռուբլի 17 կոպէկ։

Արդ, քանի որ երկաթուղին ֆինանսապէս լաւ դրութեան մէջ է,

ամենալն տեսակ ծախքերը և պարտաւորիչ վճարումները դուրս գալուց լետ գեռ 2 1/2 միլիոն աղատ գումար է մնում, չի վալելիլ արդեօք որ մտածեն թէ ապրանքների և թէ ճամբորդական տարիքները իջեցնել, և դուրանով երկրի տնտեսական լառաջդիմութեանը աւելի զօրեղ կերպով նպաստուի?

Անկասկած է որ հարկաւոր է:

Մի զարհուրելի աղէտ է հանդիպել Ռուսաստանի մի մեծ մասին. 18 Նահանգներում ալս տարւալ հացահատիկների հունձը տեղ-տեղ իսպառ ոչնչացել է, իսկ տեղ-տեղ միջին հունձից անգամ կիսից սոոր է: Մինչ-դեռ հացահատիկի հունձը Ռուսաստանի տնտեսական կեանքում ամենաառաջին տեղն է բռնում: Յորենի հունձի տղ նշանակութիւնը անգիք է տւել մինչև անդամ ալս խօսքին թէ՛ Ռուսաստանում իսկական ֆինանսական միւնիստրը՝ հացի հունձն է: Երբ հունձը լաւ է՝ Նաև պետական ֆինանսները լաւ են, երբ Նա վատ է՝ Նաև ֆինանսները վատ վիճակի մէջ են: Ներկալ տարւալ Նման վատ հունձ Ռուսաստանում սակաւ չէ պատահում, բալց ալս անգամաւնը շատ աւելի ծանրակշիւ է իւր ծաւալի պատճառով: Մենք վիշում ենք Սամարի Նահանգի «սովը», տասնութինգ տարի առաջ, բալց ալսմեանը, որպէս ասացի՝ մի Նահանգի վերալ չէ տարածւում, ալլ, որպէս հաղորդում են, 18 Նահանգների վերալ, որոնց բնակիչների թիւը հալւում են 16—20 միլիոն հոգի: Ալսմ, և արդէն մի ամսից աւելի՝ ռուսաց կառավարութիւնը կլանւած է կարօտեալներին օգնութեան հասնելու հոգսերով: Արտակարգ միջոցների են դիմել թէ տէրութիւնը և թէ հասարակութիւնները ամբողջ Ռուսաստանում՝ կարօտեալներին օգնութեան հասնելու համար: Կառավարութիւնը ձեռնարկել է փեսսւած տեղերում հասարակաց շինութիւններ կառուցանելու, որպէս զի կարօտեալները կարողանան օրավարձ ստանալ և դորանով ապրուստ հալթհալթել: Նաև օթանդակութիւն է արել աշնանալին ցանքսերը ապահովելու համար: Արդելել է հացահատիկի, մանաւանդ հաճարի (роща) արտահանումը: Ամիւրերք Ռուսաստանում ժողովարարութիւններ են անւում Նոն նպատակով, մի խօսքով մեծ աղէտի հոգսով բռնւած է զրակա՝ Նապէս ամբողջ Ռուսաստանը կառավարչական ամեն տեսակ հաստատութիւններով և ժողովրդով: մօտ թէ հեռաւոր, Տալ Աստւած, որ Ռուսաստանը կարողանալ ալդ փորձանքից աղատ դուրս գալ, որովհետև ալսմալ փորձանքին դիմանալու համար պահանջւում է որ պետութիւնը իւր բոլոր ոլթերը լարէ: Ռուսաստանի ներկալ ցաւին կարեկցում են ոչ միալն Ռուսաստանը իւր բաղմացեղ աղղութիւններով, ալլ և արտասահմանեան երկիրները, ուր, ինչպէս Պարիզում, Բերլինում, Լոնդոնում, ստորագրութիւններ են հաւաքւում լօղուտ Ռուսաստանի կարօտեալներին: Բալց ար-

դէն ժողովուրդը ալն նահանգներից սկսել է ցրւել, և արդէն հեռաւոր Անդրկովկասն իսկ դաղթում են մեծ ու փոքր խմբերով, մանաւանդ Ռաքու, Թիֆլիս, Բաթում, ուր սակալն միշտ դործ ճարելը դժւար է, ալնպէս որ դիւատորապէս հասարակաց խնամատարութեան և կամ պատահարութեան միալն կարող են ապաւինել:

Այս տարւալ հունձի պակասութիւնը և դորա հետեանք՝ ժողովրդի մեծ բազմութեան հացից և սերմացանքից զուրկ լինելը պէտք է նոր ուժով հերթական խնդիր դարձնի՝ հասարակաց շահմարանների կազմակերպութիւնը: Ստուգ անդեկութիւններ կան, որ Ռուսաստանում նոյն իսկ ալս տարի շատ տեղ հասարակաց շտեմարաններից ցորենը ծախել են: Որպէս միշտ լինում է, ամեն անգամ երբ վատ հունձեր են լինում, դուրս են գալիս մարդիկ, որոնք աման դնով անուն են ուղում ստեղծել՝ առաջարկելով որ ցորենի արտահանութիւնը նաև առատ տարիներում արդեւ չեն կամ ուսմանափակեն վարչական կարգադրութիւններով, վատ հունձի տարիներում՝ անգամ արդեւելը անհրաժեշտ է, բայց առատ տարիներում ուղենալ «կանոնաւորել» արտահանութիւնը—մի ցնորք է: Յորենը Ռուսաստանի ամենամեծ հարստութիւնն է և, եթէ չը լինէր ցորենի մեծ քանակութեամբ արտահանութիւնը—Ռուսաստանը ամենաողորմալի վիճակի մէջ կը լինէր, որովհետև ալդ երկիրը, շնորհիւ իւր մեծատարած հողերի՝ մշակում է հողը չտնկապէս արտահանութեան համար: Իմ ձեռքիս է 1888 թւականի ստատիստիկան, որից երևում է, որ Ռուսաստանը ալդ տարին արտահանել է 223,300,000 ռուբլու սպիտակ ցորեն, մօտ 68 միլիոն ռուբլու հաճար (прожъ), ուրեմն միասին 291,300,000 ռուբլու հաց: Միմիալն տասը տարում արտահանութիւնը հասնում է 3 միլիարդի: Ամեն դժբաղդ պատահարների դէմն առնելու համար բաւական կը լինէր Ռուսաստանի համար ալդ զումարից, ուրեմն տասը տարում, միալն մի երկու հարիւր միլիոն ռուբլու ցորեն պահել հասարակաց շտեմարաններում: Իսկ ալդ չի կատարւում ճշդութեամբ: Ալդ թւերից ամեն հասկացող մարդ ալս եզրակացութիւնը պէտք է դուրս բերի, որ ոչ թէ ցորենի արտահանութիւնն է սով պատճառում Ռուսաստանում, ալ որ հէնց ալդ արտահանութիւնն է, որ Ռուսաստանին կեանք է տալիս և զիւղացիներին ապրեցնում: Ձը լինէր ալդ քանակութեամբ արտահանումը, որի վերալ պէտք է դեռ աւելցնել մօտ 50 միլիոն ռուբլու արտահանող գարին և 55 միլիոնի վարսակը, սպիտակ ցորենի և հաճարի հետ միասին ուրեմն մօտ 400 միլիոն, չը լինէր ալդքան գումարի արտահանումը, ասում եմ ես, Ռուսաստանի դաշտերից հազարն տարածութիւններ կը միալին անմշակ, միլիոնաւոր դիւղացիք կը միալին անդործ և ստիպած կը լինէին կամ սովից մեռնել, կամ մուրացկան դառնալ, կամ գաղթել:

Դեռ ևս Նոյեմբեր-դեկտեմբերի 1890 թվականի քաղաքային վարչութեան կազմի համար սկսւած աղմկալի ազդեցական շարունակում է մինչ ալսօր, Նոր դումայի անդամների ընտրութիւնները, քաղաքապետ ընտրելը, վարչական մարմնի անդամներ ընտրելը և այժմ վերջապէս քաղաքապետի պաշտօնակատարի Նոր ընտրութիւնը մի մի առիթներ էին, ուր ամեն տեսակ կրքեր՝ ազնւի հետ խառը նաև անազնիւ կրքերը իրանց զերը խաղացին: «Մուրճ»-ի 1890 թ. դեկտեմբեր և 1891 թ. ապրիլ ամսաւ համարներում ալք խնդիրներին ներկած քրոնիկները մասամբ ծանօթացրին ընթերցողներին կուսակցական ուղղութիւնների հետ, և ահա այժմ ես կրկին պէտք է վերադառնամ Նոյն խնդրին՝ քաղաքապետի պաշտօնակատարի ընտրութեան առիթով: Բայց նախ իրողութիւնը: Մինչ ալժմեալ պաշտօնակատարը քաղաքապետի, սկսած ութ տարուց ի վեր, վերստին ընտրելով պ. Պողոս Իզմալեանն է: Այժմ Նորա ծառայութեան ժամանակամիջոցը լրացած լինելով՝ քաղաքային դուման պէտք է Նոր ընտրութիւն կատարէր: Սոյն հոկտեմբերի 12-ին կատարեց առաջին անգամ ընտրութիւն: Քաղաքային խնդնավարութեան սահմանադրութիւնով (պոլոժենիե) քաղաքապետի պաշտօնակատարը ընտրուում է վարչութեան երեք անդամներից: Բայց ահ օրը վարչութեան ներկու անդամները՝ Նոր ընտրւած պ. Ապոլոն Իւանենկօ և պ. Խոսրովեան հրաժարեցին քւէարկելուց, ահպէս որ քւէարկեց միայն մինչ ալժմեալ պաշտօնակատարը՝ պ. Պ. Իզմալեան: Սա ստացաւ աւելի սև քան սպիտակ, ուրեմն չընտրեց: Հետևեալ Նիստում՝ պէտք է Նորից կատարէին ընտրութիւններ: Քաղաքապետ լալտեց, որ պոլոժենիեով պարտաւորիչ լինելով վարչութեան բոլոր անդամների քւէարկութիւնը քաղաքապետի պաշտօնակատարի պաշտօնի համար՝ բայց անցեալ Նիստում ալք կանոնը պահպանւած չը լինելով՝ անցեալ Նիստում կատարւած քւէարկութիւնը ապօրինի պէտք է համարել: Այսպիսով քւէարկութեան ենթարկեցին վարչութեան բոլոր անդամները, դոցա մէջ և պ. Իզմալեան: Եւ ահա այստեղ է որ սկսւում է աղմուկը:

Պարոն Զուբալով և Նորա հետ նաև բոլոր վրացի ձախաւորները, առանց բացառութեան, պնդում են թէ մի անգամ արդէն սկսցածը «իրաւունք» չունի Նորից քւէարկելու: Դորա հետ չեն համաձայնւում քաղաքապետը, ապա ինքը քւէարկող պ. Իզմալեան և ձախաւորներից բոլոր մնացածները: Եւ ահա քւէարկւում է պ. Իզմալեանը միւս երկուսի հետ միասին: Ներկալ էին Նիստին 48 ձախաւոր, որոնցից մասնակցեցին քւէարկութեան պպ. Իւանենկօյի և Խոսրովեանի համար բոլորը, իսկ պ. Իզմալեանի համար միայն 27 հոգի, որոնցից 23 հոգի սպիտակ քւէ ուին, 4 հոգի սև քւէ: Պ. Իզմալեանը ստացաւ աւելի սպիտակ քան միւս երկու քւէարկողները: և, բաղի դորսնից՝ միայն պ. Իզմալեանը ստացաւ աւելի սպիտակ քան սև քւէ:

խնդիր բարձրացաւ՝ պէտք է արդեօք պ. Նզմալեանին ընտրւած համարել, թէ ոչ: Այս խնդիրը անմեղ խնդիր չէր, ալ զուտ կուսակցական, Ներկայ դումայի ընդդիմադիր կուսակցութիւնը, օպոզիցիոյիս, ահա արդէն ասան ամիս է, ինչ քալ առ քալ և անողորմ կերպով հալածում է նախկին վարչութեան անդամներին, կուսակցութիւնը, հետևելով կատարելադործած աքսիկայի, ահն է՝ միաբանութեան, կարողացաւ ուժ ստանալ և ալիսիսով լրացնել իւր թւի պակասը: Այդ միայրան և արխուն դործունէութեան առաջին մեծ հետեանքը եղաւ ահն, որ նորից ընտրւած քաղաքադուխ պ. Մատինով իրան ստիպած տեսաւ հրաժարել իւր պաշտօնից: Ընտրուեց նոր քաղաքապետը՝ իշխ. Երկաչնաբաղուկ Արդութեան: Այդ մասին տես «Մուրճ» 1891 № 4 քրոնիկ: Բայց կուսակցութիւնը իւր վերջնական դործը տարած չէր լինիլ, եթէ ալժմեալ վարչութեան անդամ և քաղաքապետի պաշտօնակատար մնար պ. Նզմալեան, քանի որ նախկին վարչութեան ոգին էր նա: Թէ ինչ անձնաւորութիւն է նա, ևս նոր բան չունեմ աւելցնելու ահն քուրի վերալ, ինչ արդէն ես ասելեմ նորա մասին «Մուրճ»-ի վերը վիշած համարի քրոնիկում: Ուրեմն, ինչ էլ որ լինէր պ. Նզմալեան, ընդդիմադիր կուսակցութեան համար հարկաւոր էր նորան հետեցնել: Ահա ինչով պէտք է մեկնել ահն սովետութիւնները որոնց պատրաստ է դիմել ընդդիմադիր կուսակցութիւնը պ. Նզմալեանի քւէարկւելը ապօրինի համարել տալու համար:

Նս պէտք է հէնց ալստեղ և եթ իմ կարծիքը չալտեմ, որ պ. Նզմալեանի քւարկւելը ապօրինի չէր: Միմիայն խնդիր կարող է լինել ալստեղ ահն թէ՛ ընտրւած է նա թէ ոչ, եթէ նորա ընտրութիւններին մասնակցել եմ միայն 27 հոգի, ալսինքն դումայի բոլոր ձալնաւորներին թւի կէսից պակաս:

Բայց ընդդիմադիր կուսակցութիւնը անվաւեր էր համարում ոչ ալ օրինական պատճառով, ալ չալտարաւելով. որ իր պ. Նզմալեանը իրաւունք չունէր նախորդ նիստում սեացած լինելուց ըտ՝ նորից քւէարկւել: Դա սխալ է: Եւ երանի թէ դա միայն սխալ լինէր, որովհետեւ դա սխալ չէր, ալ սովետութիւն, պարլամենտական ֆորտէլ, ինչպէս ալ շատ լաւ ըմբռնել էր ձալնաւոր պ. Արդար Յովհաննիսեան, որը կուսակցութիւնը դինաթափ էր արել մի ուրիշ, նոլնքան անպատաւեր մի պարլամենտական ֆորտէլով:

Քաղաքալին պոլոմենիկն պահանջում է որ քաղաքապետի պաշտօնակատար ընտրւի միայն վարչութեան անդամներից: Սրդ, երեակալեցէք որ վարչութեան բոլոր երեք անդամները մի նիստում աւելի սե ստանան, քան սպիտակ, ուրեմն բոլոր երեքն էլ չընտրւեն մի նիստում: Չէ որ քաղաքալին պոլոմենիկի պահանջի համեմատ ալնուամենալիւ ալ երեքից մէկին պէտք է ընտրեն, ուրեմն չէ որ հետեակ նիստում բոլոր երեք սեացածները նորից պէտք է քւէարկւեն: Ուրեմն եթէ պ. Նզմալեանը

մի առդամ սեանալ, չէ որ նա իրաւունք ունի երկրորդ և մինչև առջամ երրորդ առջամ քւէարկել, քանի որ Նորա ընկերակիցներէց ոչ ոք ընտրւած չէ:

Այն իրողութիւնը, որ ընդդիմադիր կուսակցութեան պարագլուսն պ. Զուբալովն էր պահանջում որ իշմալլեանը հեռացնէր քւէարկութիւնից, ալդ իրողութիւնը, ասում եմ, շատ վատ գոյն է տալիս Նորա կուսակցութեանը առհասարակ: Եւ ոչ միայն պ. Զուբալովն է հետեւել անվախ միջոցների՝ հակառակորդին ասպարիդից հեռացնելու համար, ալ և ալդ կուսակցութեան գլխաւոր օրդան՝ Նովոյն Որոգրենին: Եւ իրօք, ալդ թերթի № 2695 տպւած УЧЕТЪ БОЛЬШИХЪНЕСТВЪ չօղածում, չօղածադիրը ուզում է քաղաքային պոլոժենիւի մշտն չօղածներին իմաստը չուռ մոռ տալ որ միայն ապացուցւի իշմալլեանի ընտրւած չը լինելը: Յիշեալ թերթի չօղածադիրը հարկէ համարում ծուռ կերպով հասկացնել ընտրող (избиратель) խօսքի, նշանակութիւնը, նա լակտնում է, թէ ընտրւած լինելու համար, իրր ըստ օրէնքի, ոչ միայն պէտք է ստանալ երկու երրորդը քւէարկութեան մասնակցած ձայներին, թէկուզ ալ մասնակցողների թիւը լինէր գումալի առդամների թւի կէսից աւելին, ալ իրր թէ պէտք է ստանալ դումալի դաշխնում ներկա եղող ձայնաւորների թւի երկու երրորդը, թէկուզ ներկա եղողներից ոմանք մասնակցած էլ չը լինեն քւէարկութեան: Եւ կ'ապացուցանեմ, որ Նովոյն Օրոգրենինն զորանով փորձ է անում անկարելի դարձնել քաղաքային ինքնավարութեան գործունէութիւնը և ստիպել, որ մեծամասնութիւնը հպատակի մի փոքրամասնութեան կամքին: Այդ պարզ հասկանալու համար ևս կը վերցնեմ մի զէպը: Ներկայէն Նիստին 72 հոգի ձայնաւորներ, որոնց թւում դիցուք հէց 25 հոգի վարչութեան հակառակորդներ: Այժմ երեակայեցէք որ քւէարկւում է պ. իշմալլեան և ալդ քւէարկութիւնից լետ են կանգնում ալն 25 հոգին, ուրեմն ընտրութեան մասնակցում են ոչ 72 հոգի ներկա եղող իրաւաստները, ալ 47 հոգի: Այդ 47 թւի երկու երրորդից աւելին՝ 40 հոգի՝ սպիտակ են տւել, 7 հոգի՝ սև: Արդ ալդ զէպընում պ. իշմալլեանը ընտրւած է թէ ոչ, Նովոն Օրոգրենինն կ'ասի ոչ, որովհետև 40 թիւը չի կազմում 72 ներկա եղողների երկու երրորդը. և ինչու կ'ասի նա ալդ,—այն պատճառով որ նա ընտրող (избиратель) համարում է ոչ թէ ընտրութեան մասնակցել ցանկացողներին, ալ նոցա, որոնք ներկա են դաշխնում, թէկուզ սոցանից ոմանք չալտարարեն իսկ թէ չեն մասնակցում:

Ապախով ինչ դուրս կը գալ: Այն, որ 25 հոգի փոքրամասնութիւնը իւր վետոն կարող է գնել դումալի ձայնաւորների ահադին մեծամասնութեան վճիռներին, եթէ ալդ 25 հոգին ցանկանան ամեն զէպընում լետ կանգնել քւէարկութիւնից:

Պարզ չէ արգեօք թէ ինչ ուսուաններ է հիւսել ցանկանում ընդդի-

մադիր կուսակցութիւնը, որպէս զի անկարելի դարձնի քաղաքալին դու-
մալի գործունէութիւնը և հարկադրէ մեծամասնութեան հնազանդեւ իրան՝
փոքրամասնութեան?

Անցեալ ամառ պրոնիկում ես պատմեցի Ներկայ 1891/2 թւականի
հակական թատրոնի ծագումը, թատրոնական լանձնաժողովի կազմելու
պատմութիւնը, մի քանի խօսքով գծագրեցի Ներկայ թատրոնական խմբի
բնաւորութիւնը և կազմած ընկերատուարի ուղղութիւնը: Այդ լօղածից գէս
Ներկաւացրին Նեւեթինի «Նրկորդ երիտասարդութիւնը», Լուզիա Կամո-
լետտի «Բար թերեւա», «Պարիզի աղքատներ», Շէքսպիրի անլաւ հեղի-
նակի «Մի կնոջ սանձահարումը»:

Այդ բոլոր պիեսները անշա՛ն պիեսներ են ըստ բովանդակութեան.
Նոցա զենլը մեր բեմի վերալ Ներելի են, բայց միայն մի պալմանով, որ
իրար չը չաջորդեն, ալ աւելի կարեւոր պիեսների միջանցքներում տրւեն.
Այդ չորսից, ըստ երևութիւն, Նեւեթինի «Նրկորդ երիտասարդութիւնը»
չաւակնութիւն կարող է ունենալ լուրջ պիեսների չարքում դասելու, և
թեման էլ իրօք լուրջ է, բայց ալնպէս, ինչպէս Նեւեթինն է ալ թեման
մշակում՝ նորան անալոգ պիեսներից պէտք է համարել: Մի հալ, որը չի
ատում իւր կնոջ, ալ միմիայն նորից երիտասարդական կեանք վարե-
լու համար՝ սկսում է սիրել մի ջալէլ օրիորդի, որի համար թողնում է
իրանց բազդին թէ իւր կնոջ և թէ զաւակներին. մի օրիորդ որը չի
սիրում արդէն 45 տարեկանը անցած մարդուն, և լուրջ աղջիկ է դուրս
բերւած՝ համաձայնում է ապրել նորա հետ. մի երիտասարդ, ալն պա-
րոնի որդին, զաւրացած իւր մօրը և ընտանիքին հասցրած անպատուութեան
վերալ՝ իւր հօր տմարդի վարմունքի պատճառով սպանում է հօր սիրեկանին և
հաշտում իւր անպատիւ հօր հետ—ահա ալսպիսի տեսարաններ են լքց-
նում Նեւեթինի պիեսը, որը անհասկանալի է մնում և չի բացատրում
թէ ինչն է իսկապէս պիեսի միտքը: Իսկ եթէ ուզենալու լինենք ան-
պատճառ մի միտք դուրս բերել պիեսից, ալդ թերեւ ալն է, որ Նեւեթինը
բողոքում է քրէական օրէնսդրութեան դէմ, որը պատմում է երիտասար-
դին իւր հօր սիրեկանին սպանելու համար: Այդ է գոնէ դուրս գալիս լո-
գիկալից մի պիեսի, որի միակ օգուտը ալն էր, որ ցոյց տւեց թէ որքան
արտիստական նրբութեամբ գիտէ կատարել տ. Սիրանդլը տանջող մօր
դերը և որքան իւր տեղին էր պ. Արէլեանցը ընդունեօրի դերում: Պէտք է
կարծել որ ալդ երիտասարդ դերասանի ամպլուան դորանով սկսում է
որոշել՝ նորա ամպլուան—ընդունեօրի դերն է երևում:

Շէքսպիրի «Մի կնոջ սանձահարումը» պիեսը, որքան և մեծ հեղի-
նակի թու գրւածքներից լինի, բայց և ալնպէս արժէր որ հասարակու-
թեան աչքի առաջ դնէր: Այդ տեսակ պիեսներ կարելի է կրկնել միայն

երկար ժամանակամիջոցներում—մի քանի տարում մի անգամ—գլխաւորապէս
ալն հասարակութեան համար, որ տեսել է Համէլէտ, Օթելլօ, թաղաւոր
Լիւր և ալլն, մեծ հեղինակի հետ աւելի լրակատար ծանօթացնելու համար,
Շէքսպիրից կարելի է գնել առաւել մեծ «Վինձորի ուրախ կանաչք»։ Մի
կնոջ սանձահարումն պիտի մէջ Շէքսպիրը, բայց այս անգամ չափազանց
մերկ կերպով, հանդիսանում է իբր մի հեղինակ, որը հուժկու ուժով պատ-
ռում է հասարակութիւնից ընդունած ամեն մի պատշաճութիւն (propriété)
և իւր հերոսներին խօսեցնում ալնպիսի բարբարոս խօսքերով և ձևերով,
որպէս «վալել է» միայն ապացուցանելու համար թէ «ոլժը լարգում է
միայն ուժը, ուժը խոնարհւում է միայն ուժի առաջ», լինի այդ ֆիզիքա-
կան աշխարհում թէ բարոյական աշխարհում։ Շէքսպիրի այդ գրեածքը մի
զաւեշտական կատակերգութիւն է, ամենամեծ ծալրանկութիւններով ու
կոշտ ու բիրտ կոնտրաստներով տիպերի մէջ, Բայց թէ ինչ տրամադրու-
թեան մէջ է գրել Շէքսպիրը իւր ալն տարօրինակ գրեածքը, ալն երևում
է պիտի ներածութիւնից, որը Շէքսպիրի ժամանակ ներկայացնում էր,
խսկ ալժմ չի ներկայացնում։ Ահա ալն ներածութեան կարճ բովանդակու-
թիւնը, որը թերևս շատերին չալունի չը լինի։ Նախաներ կլեկող մի մարդ
պանդոկում հարբում է։ Կուումտիրուհու հետ, դուրս գալիս և ձգում փռ-
դոցում ու քնում։ Վալիս է մի անգլիացի լորդ իւր սկիտալով՝ որսից, Հա-
մազելով որ պարկածը մեռած չէ ալն հարբած, լորդի մէջ միտք է չգանում
ալսպիսի մի հանաք խաղալ խեղճի զլխին. ամբողջ պլանը առաջուց
կազմելով, նա հրամայում է որ հարբածին տանեն իւր պալատը, պար-
կեցնեն իշխանական փափուկ անկողնու վերալ. երբ լետու նա արթնա-
նում է, լորդի զգաւտացած ծառաները գալիս ու իրանց պատրաստութիւնն
են չալոնում կատարել «լորդի» կամեցածը։ Խեղճ կլէկլին զարմանում է,
չի հասկանում թէ ուր է և թէ ինչու նորան լորդ են անւանում. ոտով
զլխով ուզում է համոզցնել ծառաներին թէ ինքը կլէկող մարդ է, իւր
անունն է ալս ինչ հասարակ անունը, իւր բարեկամներն են ալս ինչ հա-
սարակ մարդիկ և ալլն, Մառաները պատկառանքով պատասխանում են
թէ «լորդը» 15 տարի քնած է եղել և թէ ալն իւր երկար քնելու պատ-
ճառով «տիկինը», «մաղամը» չաա ցաւում է եղել, նա թէ՛ իմ կլինս հա-
սարակ՝ կնիկ է, «մաղամ» չէ և ալլն և ալլն։ Մառաները, որոնց մէջ և
խկական լորդը, լետ են համոզում նորան, ալնպէս որ խեղճ կլէկլին
սկսում է կամաց կամաց հաւատալ թէ ինքը իրօք լորդ է և որ բոլոր իւր
գիտեցածը միայն երազ է եղել ու հրամայում է կանչել «մաղամին»։ Գա-
լիս է լորդի պաժը, մի գեղեցիկ պատանի՝ կնոջ շորեր հագած և ներկա-
ւանում իբր «լորդի» կինը, և վշտահար զէմքով ասում թէ ալն 15 տարին
նրան թւել է 30 տարի և որ ալժմ շատ ուրախ է որ քնից արթնացել է։
Նրեակալող լորդը ապա հրաւիրում է իւր սկնողը՝ շորերը հանել ու գալ
իւրա հետ պարկել։ «Վինը» սակալն, զժաւր գրութիւնից գուրս գալու հա-

մար, առարկում է թէ ներողութիւն կ'անէ, բժիշկները պատւիրել են դեռ չորս գիշեր իւր կնոջ հետ չը լինել: Այդ ժամանակ ծառաները, նախագծած պլանի համեմատ, գալիս ու չափում են «լորդին» թէ դերասանները, նորա առողջանալու առիթով, եկել են ներկայացում տալու և «լորդի» տիրութիւնը փարատելու:

«Դորա համար թւաց մեզ լաւ որ դուք այս խաղը տեսնէք

«Եւ ձեր ուշքը նոցա ուրախ կատակի վրալ դարձնէիք:

«Դորանով է որ ցաւը կ'անցնի, կեանքը երկար-երկար կը լինի», ասում են ծառաները:

Եւ խեղճ Քրիստոֆլ Շլաու, լորդի դիրքի մէջ ընկած խեղճ կլէկչին, «կնոջը» կողքին նստացրած, պատրաստուում է ժողովրդական մի խաղ տեսնելու: Բայց «կինը» հաւատացնում է թէ ինչոր կը ներկայացնեն՝ աւելի աւ բան կը լինի քան նա կարծում է և որ դա՝ մի տեսակ պատմութիւն է: Շլաու ասում է՝—«Դէհ մենք ալէ կը տեսնենք: Արի, «մադամ տիկին», նստիր կողքիս և թող որ աշխարհքս իւր ճանապարհով դնալ, երիտասարդութիւն ալ ևս մենք երկրորդ անգամ տեսնելու չենք»:

Եւ ներկայացնում են՝ «Լմբոստ կնոջ սանձահարումն», որի բովանդակութեան վերալ աւելորդ եմ համարում կանգ առնել:

Ի վերջոյ հետեւեալ կառավարչական նոր կարգադրութիւնները, երդման խնդիրը առ ալժմ վճուած է ալսպէս, որ հալուսաւորչականներին ալսուհետեւ պէտք է երդեցնեն ուսաց լեզուով, բայց ոչ թէ քահանայի մօտ, ալ դատաստանական նախագահի, մօտ, իսկ եթէ զինւորական ծառայութեան համար է՝ զինւոր. վարչութեան առաջ. ուսերէն չը գիտեմալու դէպքում՝ թարգմանի միջոցով պէտք է նոյնը կատարել: Այդ կարգադրութիւնը եղած է համաձայնութեամբ ներքին գործերի և զինւորական մինիստրներին:

Մի ալ կարգադրութիւն վերաբերում է Էջմիածնի ս. Սինդի անդամներին փոփոխութեան:—«ՀԱՅԿԱՅԵ» լրագրում № 284, ալ իրողութիւնը հաղորդած է ալսպէս. «Բարձրագոյն հրամանով, կալացած 19 սեպտեմբերի, հալ լուսաւորչական սինդի անդամներ՝ Սուքիաս Պարզեանց և Ներսէս Խուդավերդեանց եպիսկոպոսները, իրանց ապօրինի գործողութիւնների համար, արձակած են իրանց բոլոր պաշտօններից և հեռացրած են՝ առաջինը Օրլովի, իսկ երկրորդը՝ Պոլտավայի նահանգները: Միևնոյն ժամանակ հրամայած է՝ Էջմիածնի սինդի անդամների թափուր մնացած տեղերը նոր անդամներով լրացնելուց չետոյ, պարտաւորացնել սինդը՝ վերաբնեւ ալն բոլոր գործերը, որոնք և պատճառ եղան սինդի պրօկուրորի արած բողոքներին»:

Միւս կողմից «С.-Петербургскія Сенатскія Вѣдомости» լրագրի № 82 (հոկտեմբ. 11) տպւած է հետեւեալ բարձրագոյն հրամանը. «Թագաւոր կալսրը ներքին գործերի մինիստրի ամենահպատակ զեկուցման հիման վերաջ. սեպտեմբ. 19 ին ներկա 1891 թ., բարձրագոյն հրամայել բարեհաճեց՝ հաստատել հալ-լուսաւորչական եպիսկոպոսներին՝ Արիստակէս Սեդրակեանին, Գրիգորիս Աղւանեանցին և Բարգուղիւիէոս վարդապետ Գէորգեանին, որպէս Էջմիածնի հալ-լուսաւորչական սինոդի անդամներ»:

ԼՈՒՍԻՆԻ